

# Optimà l'infrastructura da la scola auta

## Inauguraziun dal nov tract da la SAP grischuna

■ **(anr/fa) Durant in onn e mez èn vegnids construids dus ulteriurs auditoris ed ina nova mediateca. Cun l'inauguraziun e cun in di da las portas avertas han ins festivà la realisaziun dal project da l'architect Pablo Horváth.** L'onn 2003 ha surpiglià la Scol'auta da pedagogia dal Grischun (SAP) las localitads da l'anteriura scola da dunnas sin l'areal dal Kantengut a la Scalärastrasse a Cuira. «Dapi quella giada porscha la SAP sco su-

letta instituziun dal chantun Grischun scolaziuns per persunas d'instrucziun», ha ditg il rector *Johannes Flury* venderdi a chaschun da la festa d'inauguraziun dal nov tract. Actualmain frequentan 278 studentas e students la SAP. Ch'il project haja pudì vegnir realisà spert e respectond ils custs maximals da 5,8 milliuns francs è stà tenor el pussaivel «causa la buna collavuraziun dals participads e grazia al grond sustegn da la politica».

### «Buna infrastructura sco basa per il success»

*Martin Jäger* ha ditg, en sia funcziun da president dal cussegl da scola da la SAP, ch'i regnia plaschair per plirs motivs: «Uss posseda la SAP l'infrastructura necessaria per scolar ils proxims onns las persunas d'instrucziun ch'il chantun vegn ad avair basegn», ha'l menziunà. L'engrondiment pussibilitescha tenor el a la SAP da porscher ina furmaziun col-

liada stretgmain cun la pratica, «e da l'autra vart grazia a la mediateca in'instrucziun cun caracter da scol'auta». Il president da la regenza *Claudio Lardi* ha manegià ch'il success en scola dependia da las capacitads dals uffants, dals geniturs e dals scolars: «Il chantun po influenzer mo las capacitads da la magistraglia, per far quai dovri ina buna infrastructura, e quai è uss il cas en la SAP a Cuira.»

di il rector *Johannes Flury*, «uschia vegn rinforzada la SAP grischuna ch'è l'unica instituziun trilingua sin il champ da furmaziun naziunal.» A medem temp po ella realisar las furmaziuns supplementaras da la magistraglia grischuna uss en ina dimensiun pli gronda. Sonda passada è vegnì preschentà il nov tract a tut ils interessads.



**Johannes Flury, Claudio Lardi e Martin Jäger (da san.) en in dals novs auditoris.**

FOTO F. ANDRY

### Resguardond las structuraz existentas

*Markus Dünner* che maina l'Uffizi da construcziun auta chantunal ha ditg ch'il project da l'architect *Pablo Horváth* da Cuira persvadiva tant areguard sia concepziun, sia funcziunalitad sco er en quai che regardia ils aspects economics. «Las structuraz dal bajetg existent èn vegnidas resguardadas ed il program da spazi è vegnì extendì moderadamain per 1100 meters quadrats.» L'architect ha ditg ch'el haja empruvà da s'orientar cun planisar a l'edifizis existent construid tiers il nov tract, «nov e vegl èn visibels, senza ch'in domineschia». L'access dal nov tract cun ils auditoris e cun la mediateca è vegnì costruì sin il plaun cun il foyer existent, e quai da la vart, per lung l'aula. Suenter in onn e mez temp da construcziun ha l'engrondiment pudì vegnir surdà entaifer il temp fixà a la SAP. «Questas mesiras architectonicas pussibiliteschan a la SAP dad optimar la furmaziun da basa da sias studentas e ses students», ha conclu-

### Engrondì era la purschida d'instrucziun

Per ademplir sias incumbensas duvrava la SAP dus auditoris, en ils quals in'annada da scolaziun po vegnir instruida mintgamai comunablamain. Ils novs auditoris èn situads directamain sper ils locals da grupp. Quai permetta da realisar las furmas d'instrucziun giavischadas en gruppas grondas e pitschnas. Ultra da quai è vegnida realisada ina nova mediateca en posiziun centrala che porscha avunda piazzas da lavurar. La nova mediateca è in lieu da scolaziun essenzial. El porscha a las studentas ed als students in access direct als differents mediums ed a la litteratura, uschia ch'ellas ed els pon lavurar independentamain.